







Case

F

39

,326

1610CX

LA

DEPLORATION

DE LA MORT

lamentable de HENRY le Grand
Roy de France & de Nauarre,
monstreusement assassiné par
vn garnement parricide endia-
blé, le 14. May 1610.

Par vn Soldat François.

Q*Vel horreur! quel mal-heur! quel accident
funeste!*

Met aujourd' huy la France en deuil, & de sarroy?

Songe-ie? resue-ie? ie mandy, ie deteste;

Le perfide, & pariure, & le traistre à son Roy.

Qu' on ne le die point és places Italiques:

Qu' on ne le porte point és pays d' outre mer,

Le forfait est honteux, les rages frenetiques

Nous feront pauurement ça & là diffamer.

Car la France a nourry, dira-t' on, les pariures

Qui n' ont ny foy, ny loy, soy-mesmes trahissans.

Elle ne tient d' ailleurs que de soy ses iniures:

Elle mesme produict ses funestes enfans,

O acte déplorable ! ô enuie cruelle !
 O France miserable ! ô detestable mort !
 Comment est cheu le fort ? hélas ! nostre nasselle
 Est-elle recullée en estant pres du port ?

Cruel homme de sang, main barbare, & infame
 Animal sans raison, qui t'a faict polluer ?
 Mais si Satan a peu, tant gaigner sur ton ame,
 Que de traistreulement ton vray Prince tuer ?

Sous qui paisiblement t'estant Prince propice,
 Sans crainte tu vinois sous son aile, & bonté :
 Chacun s'en ressenioit, quelle ingrante malice
 A peu mouuoir ton cœur à telle cruauté ?

Qui es-tu ? d'où es-tu ? quelle est ceste vipere
 Qui t'a donné le lait, & qui t'a esleué ?
 Car il est à douter, si vn homme est ton Pere
 Veu que de l'enfer sort tel monstre deprané.

Ny la crainte de Dieu, qui d'onction sacrée
 Deifie les Roys du plus haut rang d'honneur,
 Dit Ne les touchez poinct, n'a ton ame arrestée
 Qu'elle n'ait mis la main dessus l'oinct du Seigneur.

Ny la fureur des loix qui de cruelles peines
 Poursuuans tels forfaitz te deuoyent faire peur,
 L'infamie eternelle & des enfers les geines
 Ne t'ont point destourné te remplissant d'horreur !

O Diable & non plus homme (or un demõ encore
 En seroit retenu pour si malin qu'il fut)
 Brutal (mais le brutal s'en retireroit ore)
 Stupide & sans sens (encore cela s'esmeut.

Le rocher engemit, & la forest couuerte
 A son verd tenebreux, la terre en est en pleur,
 Les champs sont sans plaisir, & d'une telle perte
 Les elements transis relaschent de douleur)

Toy seul, cruel, sans ame, Enceladique race
 Vray mal-heur infernal, n'en as eu sentiment:
 Le mal en soit sur toy, l'opprobre sur ta face,
 Ton sang soit dessus toy, sur toy le detrimement.

Quiconque t'a poussé à forfait si indigne
 Perisse pour iamaïs, qu'il ne voie le Ciel,
 Qu'il ny contemple aussi quelque malheureux signe
 Qui luy creue le cœur, & luy perce le fiel.

Des monts de Gelboë maudits par l'escriture
 Qui ne doiuent auoir pluyes sur leur coupeau
 Ny rosée d'en haut, sur telle forfaiture,
 Tombe le mal encontre, & leur soit le tombeau.

Iamaïs leur nom ne passe aux voutes de ma bouche
 Ny ne passent iamaïs au deuant de mes yeux;
 Que celuy soit souillé qui seulement les touche
 Execrables au monde, & à tous odieux.

Que pour un tel peché ne soit donné victime
 Il est par trop enorme, & laid pour l'expier
 La Dire les pourſuiue & d'un tourment ſublime
 Icy & aux enfers on les oyés eſcrier.

Vous citoyens François pleurez voſtre bon Prince
 Qui vous auoit donné le repos en vos iours,
 O France où eſt-ce Roy dont chacune Prouince
 En réueroit le regne, & bien heuroit le cours?

Eſ-tu mort mon HENRY mō Roy, mō debōnaire:
 Eſ-tu mort au meilleur de ton aage & ta fleur?
 Eſ-tu mort, n'eſtant point encor ſexagénaire
 Pour au lieu de plaſir, remplir nos yeux de pleur?

O malheur! ô douleur! decoulez ô fontaines.
 Car il faut que nos yeux debondent en ruiſſeaux
 Nos ſouſpirs, nos regrets n'ont plus ny frein ny reſens
 Il faut fondre à ce coup & vuidier nos cerueaux.

Les Cieux en ont gemy, qui d'un triſte preſage
 Preuoyans le mal'heur, ont cuidé larmoyans
 Fondre depuis huit mois, & n'auoyent le courage
 De deſcocher çà bas leurs eſclats fondroyans.

A cét hideux obiect la terre s'eſt ouuerte
 Pour ietter ſes ſouſpirs, & d'horreur a tremblé:
 La campagne laiſſant ſa belle fueille verte
 S'eſt tout à coup ternie & mourir a ſemblé.

Les fleuves desbordez qui receuoient ces larmes
 Pleurans abondamment gémissoient à grands flots
 Jusqu'aux petits ruisseaux nous donoyēt des allar-
 Bruyans incessamment par ennuyeux sanglots. (mes

Et l'Hydraulique voix, qui des toits par les ruës
 Resonnoit sa musique avec un fascheux son
 Portoit en nos cerueaux les plaintes incognues
 Du funebre manteau de sa triste chanson.

Pleurons donc tous ensemble, & que chacun enuie
 Dessus son compagnon à qui pleurera mieux:
 Je ne plain plus mes iours, je n'ayme plus ma vie,
 Et le veux tesmoigner par ma face & mes yeux.

T'eust-il iamais Roy plus doux, plus amiable?
 D'un plus heureux rēcōtre? & d'un plus bel accueil?
 Plus grand? plus accompli? Prince plus agreable?
 Et voicy ces vertus tout d'un coup au cercueil?

Celuy qui a donné le coup traistre & funeste
 Ennuiant son pardon n'a désiré qu'il peut
 Prier mesme pour luy, & est tout manifeste
 Qu'il a ce qu'il desir, & reçoit ce qu'il veut.

Souvenez-vous du Roy, vous qui de sa clemence
 Auez senty l'effect en tous lieux tesmoigné
 Et luy auez donné fidele obeysance
 Regrettans que sur vous il n'ait plu'stost regné.

Respandez vos regrets hélas à la mal heure
 Ce coup est arrivé pour attrister nos ans.
 O acte déplorable ! ô estrange aventure
 Tu ne pens estre esclose au temps des partisans.

Au temps auquel Bellonne avec sa forte lance
 Faisoit sentir sa main aux peuples estrangers;
 Et que les actes hauts de sa gloire & vaillance
 Faisoient voler son nom par tout cest uniuers,

On ne peut ny par art, ny par force ou cautelle
 Le ravir d'entre nous: car ses vainqueurs Lauriers
 Se deuoient esleuer, & sa gloire immortelle
 N'estoit pour lors subiette à l'effort des dangers.

Contras le peut bien dire, où par vne poignée
 De soldats ramassez il desfit les hautains,
 D'Yryle le dur conflict, & d'Arques la iournée,
 En laquelle le ciel donna signes certains.

Et ce lasche cousteau duquel la Pyramide,
 Dressée dans Paris tesmoignoît le forfait;
 Les poisons, les faux tours n'ont peu par parricide,
 Faire en trouble, le mal qu'en paix ce diable a fait.

Ie retourne à mes pleurs: car ce subit orage,
 Qui nous cache les cieux, fait tóber leurs flābeaux,
 Et fait que le Soleil obscurcit son visage,
 Puis que nostre Soleil a choisi les tombeaux.

Muses

Muses venez icy resonner vos complaints:
 Car nous n'auons en nous assez d'inuention,
 Pour exprimer de quoy nos âmes sont atteintes,
 Et les grandes raisons de nostre passion.

Paris pleure ce Roy qui l'auoit embellie
 Plus que iamais ne fit autre qui fut chez toy
 France pleure celuy qui l'auoir ennoëlie,
 Et tu estois sa fille, & il estoit ton Roy.

Filles pleurez celuy qui mit tout son estude,
 A nous donner la paix, & oster vos malheurs;
 Et n'auoit en son cœur autre sollicitude
 Que de vous conseruer en plaisirs, & honneurs.

Iadis le fer sanglant en nos cruels vacarmes,
 Perdoit vostre ieunesse, & l'infelicité,
 Vous priuoit de maris, & la fureur des armes,
 Hazardoit à l'effort vostre pudicité.

Maintenāt d'un beau front mesurāt vos allures,
 Vous alliez par les chāps tesmoignāt vostre hōneur,
 Vous ne craignez personne, & vos belles parures,
 Monstroient de vos beaux iours la liesse & bō-heur.

Où est helas celuy qui vous fit tant de graces?
 Il n'est plus entre nous, il se repose ailleurs,
 Couurez d'un cresse noir le lustre de vos faces,
 Et noyez ces beautez sous l'onde de vos pleurs.

Tant que ie viue au monde, Henry nostre bon Pere,
 Ie pleureray ton sort indigne d'un tel Roy,
 Tu ne pouuois mourir que d'une main faussaire,
 Ne pensant à nul mal, par un homme sans foy.

Qui le voyoit debout y perdoit l'assurance:
 Car comme vne Meduse il arrestoist soudain,
 Les meschans plus hardis, sa seule contenance,
 Dissipoit, esuentoit, ruinoit le dessein.

Ce mōstre a mis soudain tout en dueil, & en larmes,
 Les Princes desolez perdent leur grauité,
 Il ny a qu' hurlemens, il ny a que vacarmes,
 O mal'heur! ô malheur! ô infidelité!

Sous cest acte inhumain remply de malefice,
 La nature s'esmeut, criant au Dieu des Dieux,
 Nous demandōs Seigneur ta vengeance & iustice,
 Tant sur luy, que sur qui s'en cuide trouuer mieux.

Le rocher dur se fend, & de foy s'escartelle,
 Ce qui de sa nature estonnoit le marteau,
 L'enfer mesme en a honte, & la larme ruisselle,
 A ce mesme qui n'a ny teste ny cerueau.

Sous ce Roy redouté grand merueille du monde,
 Tant il estoit benin, & à tous gracieux
 La terre s'esgayoit, & la mer vagabonde
 La Lune, & le Soleil, & l'armee des Cieux.

Les oyseaux voletans d'une douce musique
 Esgayoient son esprit de dix mille beaux sons:
 Et la beste des champs se monstroît magnifique
 A luy donner soulas, & des eaux les poissons.

La Seine qui voyoit l'œil riant de sa face
 Lors que de son beau Louvre il regardoit son cours,
 Luy monstroît tant de traicts faicts de si bone grace
 Qu'on n'eut voulu mourir, ainçois viure tousiours.

Pleurez rochers, pleurez, faictes nous des riuieres
 Car on nous a osté nostre Roy, nostre tout,
 Fendez vous diamans, esteignez vos lumieres,
 Que tout le monde pleure & d'un & d'autre bout.

Enfer: qu'as-tu produit: qu'à iamais tes abyssmes
 Et tes esprits qui sont pleins d'infelicité
 Et ta gueule soyent clos pour en tes lieux infimes
 Demeurer es liens d'ombre & d'obscurité.

O Cieux qui presageans en vos chambres dorées
 Nos malheurs, en auez gemy tous les premiers,
 Son astre luiët chez vous, mais par vous deplorées
 Seront ces lasches morts venans de tels meurtriers.

Beaux astres qui auez çà-bas tant de puissance
 Nous sentons vos regrets, car nos membres mattez
 Ont receu bien auant vostre triste influence
 Qui gemit dedans nous pour telles cruantez.

Oiseaux tournez vos chäts, toy douce Philomèle
 Qui te tuois pour rendre vn son harmonieux,
 Resonne de formais ta complainte nouvelle
 Pour vn plus grand forfait que de ton Tereus.

Las vous ne verrez plus parmy ces verts fueilla-
 Celuy qui vous rendoit le logis plus plaisant, (ges:
 Vous le chercherez bien, & par rompus ramages
 Appellant vostre HENRY doucement desgoisant.

Vous crierez, hélas! allans de branche en branche
 Vous serez esbays qu'il ne vous respondra.
 Vous pleurerez pour lors crians à la reuenche
 Ainsi fendrez le cœur à qui vous entendra.

Pleurez belles forests, & vous parcs de delices
 Lamentez au dedans tout ce ioly bestail.
 Pleurez vous beaux iardins, pleurez beaux edifices
 Pleurez, vo' chäps, & prez, & cachez vostre esmail.

Pleurez, ô belles mers, pleurez douces riuieres,
 Poissons ne faictes plus aller vos bataillons
 Seine pleure ton Roy: mais hélas! tes paupieres
 Auoyent trempé tes champs & noyé leurs seillans.

La maison de ce Roy se trouua desolee
 Quoy que l'honneur la cõble: en ce grand creue-cœur
 Ne peut voyant ce mal en estre consolée
 L'honneur la veut semõdre, & le mal est vainqueur.

Triste & dur accident, douleur continuelle
 Qui as nauré la France au meilleur de son temps;
 Tu as esté le chef d'une famille belle
 La plus belle du monde aux enfans allaitans.

Tu n'as voulu permettre ô enuie maligne!
 Quelques lustres encor pour fomentér le fruit,
 Pource que tu pensois par un forfait insigne
 Nous plonger aux cachots d'une éternelle nuit.

Tu ne le feras pas, non tu n'es assez forte
 Pour nous auoir remplis de complainctes & pleurs
 Par un acte meschant perpetré de la sorte
 De nous enseuelir en éternels mal-heurs.

Royne qui resentez en ce triste vesuage,
 La perte d'un si doux, & si braue mary
 Ne vous desolez pas, mais reprenez courage
 Le bon cœur se renforce alors qu'il est marry.

Voyant ces beaux enfans, & ceste geniture
 Dont Dieu par vous nous a richement bien-heurés
 Deuant vos yeux sera l'image & la peinture
 Du pere qui vous rend vous & eux honorez.

Ses vertus sont en eux, en eux est l'esperance
 Des fideles François, en eux est vostre espoir,
 Et pour vous, & pour eux sont les vœux de la Frâce
 Vous heureuse, eux heureux, & nous de les auoir.

Ce beau fleuron du lys, ce Prince magnifique
 Qui fit bruire la France, & rendit estonnez
 Du bruiet de sa naissance, & l'Asie & l'Affrique
 C'est le present duquel Dieu nous a couronnés.

Maintenant nostre Roy succedant à son Pere,
 Succede à ses vertus dont il est heritier,
 Et comme un Alexandre, il remplira la terre
 Des lauriers que le Pere a planté le premier.

Heureux, craint, honoré des quatre bouts du mô-
 Haut, braue, glorieux, genereux, tromphant, (de
 Prudent, sage, discret, domptant la terre & l'onde,
 O Roynce sera nostre Roy vostre enfant.

C'est celuy pour lequel ainsi comme ie verse
 Mes soupirs, mes sanglots, mes larmes de mes yeux
 Pour le Pere deffunct, de mon Zele ie perce
 Par prieres, par vœux, tous les cercles des Cieux,

Car il faut que ie pleure, & arrose la couche
 Où repose le corps de mon Prince & mon Roy
 Et que dessus le pied d'une si belle souche
 Ie laisse à son ietton le gage de ma foy.

Sur le marbre sacré ma larme se congele
 Conuertie en crystal, venant d'une vapeur,
 Qui sort du plus profond, & circulant rapelle
 Au plus haut de mon Ciel, l'esprit, l'ame, & le cœur.

F I N.







